

**Sarajevo, 27.12.2018**

### **Od petka, 28.12.2018. prodaja preko web shopa**

Kako bi svojim kupcima bili dostupni i preko web prodajne aplikacije i na taj način ostvarivali bržu, dinamičniju i lakšu povezanost, prodajni sektor Messera u BiH je pokrenuo svoj web shop. Odlaskom na [link](#) već od petka, 28.12.2018., možete obaviti prodaju na jednostavan način u samo par klikova.

Značaj web shopa je on-line prisutnost, korištenje e-servisa, mjerljivi rezultati, doseg do većeg broja zainteresiranih i naravno unapređenje plasiranja informacija o proizvodima. Aktivirana skladišta za web shop su: Rajlovac, Sočkovac, Banja Luka i Bihać.

Na home page-u se nalaze [kratke upute](#) kako naručiti Messerov proizvod.

Dobro došli u Messerovu web trgovinu!



[NOVOSTI IZ SVIJETA PLINOVA.](#)

**Sarajevo, 24.12.2018**

### **Novogodišnja čestitka 2019**

Dragi prijatelji, zaposlenici, klijenti i svi građani Bosne i Hercegovine, godina koja prolazi bila je za nas posebna, ispunjena događajima koji inspiriraju, baš kao i čitava naša povijest.

Na kraju 2018. želimo da Vam i slijedeća ostavi trag protkan lijepim sjećanjima i trenucima koji znače. Želimo Vam puno dobre atmosfere, ljubavi i strasti u novim poslovnim poduhvatima i za narednih 120 godina, koliko je Messer s Vama.

Sretni blagdani i svako dobro!

Sretna Nova 2019. godina!



**Sarajevo, 24.12.2018**

### **U 2019. godini investirat ćemo još 10 miliona KM**

Messer u Bosni i Hercegovini je u 2018. godini ostvario sve zacrtane planove koji su se prvenstveno odnosili na proširenje proizvodnih kapaciteta, ulaganje u ljudske resurse i infrastrukturu.

- Mi istinski možemo biti zadovoljni postignutim rezultatima u 2018. godini. Premašili smo planirane rezultate u proizvodnji CO<sub>2</sub>, jer smo pored postojeće fabrike u Sočkovcu otvorili još jedan pogon i na taj način uvećali proizvodnju, a samim tim i prodaju. Mi prodamo sve što proizvedemo. Kada bi otvorili i treći pogon, mi bismo ga unaprijed prodali jer su potrebe tržišta za CO<sub>2</sub> velike, kako u BiH tako i u Regiji", istakao je generalni direktor Valentin Ilievski.

Messer je došao u BiH odmah iza rata i već 21 godinu učestvuje u razvoju bh. društva, njegove ekonomije i ukupne privredne stabilnosti. Mi smo nekoliko puta i prepoznati od strane države BiH i njene agencije FIPA kao jedan od najznačajnijih stranih investitora. Prije deset godina dobili smo priznanje za *greenfield* investicije, a u ovoj godini smo također proglašeni među najznačajnijim stranim investitorima.

Nakon što smo 2017. godine proslavili 20 uspješnih i plodonosnih godina u BiH, Grupacija Messer je organizirala jednu veliku proslavu u centrima svih svojih kompanija po svijetu na kojoj smo zajednički obilježili 120 godina rada, agilnosti, sazrijevanja i uspjeha porodične kompanije Messer koju vodi naš vlasnik Stefan Messer, lider porodičnog biznisa industrijskih i drugih plinova.

Najbolja poslovna odluka u prošloj godini je otvaranje novog postrojenja za proizvodnju CO<sub>2</sub> u Sočkovcu, kao i gradnja administrativnog, logističkog i distributivnog centra tj. nove podružnice u Banjoj Luci. Time je Messer na najbolji način rasporedio sve svoje kapacitete po cijeloj Bosni i Hercegovini (Mostar, Sarajevo, Zenica, Sočkovac, Banja Luka, Bihać) i izuzetno povećao prodaju.

U narednoj godini Messer u BiH će kao proizvođač industrijskih i drugih plinova nastaviti proizvodnju, širiti svoje tržište, ulagati u sveukupni razvoj, u infrastrukturu naših objekata, jer to doprinosi boljoj radnoj atmosferi, kvalitetu usluge i prodaje.

- Mi smo ostvarili godišnji plan na zadovoljstvo svih uposlenih u sva tri Messerova društva u Bosni i Hercegovini. U odnosu na prošlu godinu prodaja je povećana za 17 posto dok je EBITDA 21 posto. U Regiji je također dvocifreno povećanje i prodaje i dobiti u odnosu na 2017. godinu. Na nivou Grupacije donijeli smo početkom decembra odluku da u 2019. godini investiramo dodatnih 10 miliona KM u proizvodnju u BiH, čime želimo poručiti i bh. društvu da namjeravamo ostati ovdje i narednih 20-30 i više godina jer bez stabilnih investicija ne može biti stabilnog ambijenta za poslovanje, istakao je g. Ilievski.

Na tome ćemo raditi i naredne godine kao i na afirmiranju onih vrijednosti u bh. društvu na koje mi kao društveno odgovorna kompanija možemo utjecati.

Svim poslovnim partnerima i svim privrednim subjektima koji rade na poboljšanju ekonomskog ambijenta u BiH želimo uspješnu 2019. godinu.



**Sarajevo, 24.10.2018**

#### **Oktoberfest u Sarajevu**

U organizaciji Predstavništva njemačke privrede u BiH (AHK) održava se već treću godinu zaredom Oktoberfest u Sarajevu. Ova zanimljiva manifestacija koja je općepoznata u svijetu dobila je i svoju inačicu u BiH. Sinoć su se u prostoru Porsche Showroom u opuštenoj atmosferi uz autentičnu bavarsku kuhinju, muziku i bavarsko pivo razmjenjivali kontakti, dojmovi i ukusi. Predstavnici Messer BH Gasa i Messer Tehnoplina su bili prisutni, kao i naši proizvodi koji omogućavaju da svaka zabava dobije onaj poseban gušt bez kojeg nema dobrog štimunga. A i u pivo ide naš CO<sub>2</sub>, zar ne?

Bila je ovo lijepa noć za sve koji su se odazvali i učestvovali u Oktoberfestu, ne sumnjajući da će i naredne godine biti još ljepše i da će ova manifestacija prerasti u tradicionalnu na opće zadovoljstvo svih ljubitelja bavarske kulture.



**Maribor, 29.09.2018**

#### **Jubilej za pamćenje - 120 godina Messer Group**

Veliki jubilej – 120 godina postojanja kompanije Messer obilježeno je 28. septembra tematskim slavljinama u svim našim kompanijama diljem svijeta.

Messer u BiH i Messer Slovenija zajedno su proslavili ovu impresivnu godišnjicu u stilu 80-ih godina 20. stoljeća.

Svi uposleni u Grupaciji bili su na nivou zadatka, odabrali su jednu deceniju iz čitavih 12 koliko ih je Messer uspio sakupiti u svoj šareni mozaik satkan od kamenčića rada, talenta, energije, znanja, želje i ulaganja.

Slavilo se na svim meridijanima i uživalo u plodovima dugogodišnjeg kontinuiranog pregnantnog rada.

Vlasnik kompanije Stefan Messer se javio linkom i svima poželio da budu kreatori Messerovog progressa i da svi timski, kao i do sada, kontinuirano radimo na svom ličnom zdravlju i zdravlju kompanije.

Valentin Ilievski, generalni menadžer za Jugoistočnu Evropu, je na slavlju u Mariboru istakao da niko nikad iz porodice Messer nije poklekao. Ni osnivač kompanije Adolf Messer koji je održao kompaniju u oba svjetska rata, ni njegov sin Hans koji se nosio sa problemima u partnerstvu kao ni njegov sin, Adolfov unuk, Stefan koji je sačuvao porodični biznis u stopostotnom vlasništvu.

A potom se krenulo slaviti do duboko u noć.





**Sočkovac, 14.09.2018**

### Otvoren Sočkovac 2 uz tradicionalnu „Ajvarijadu“

Naša kompanija je danas otvorila novo postrojenje CO<sub>2</sub> u Bosni i Hercegovini Sočkovac 2 (Opština Petrovo, Republika Srpska).

Prvo postrojenje je otvoreno prije šest godina i pokazalo se vrlo uspješnim, ali kapacitetno nedovoljnim za sve potrebe bh. tržišta.

Stoga je izgrađen novi pogon CO<sub>2</sub> sa kapacitetom 2000 kg CO<sub>2</sub> na sat i sve količine su unaprijed prodane. Svečanu vrpcu su presjekli generalni direktor Messer BH Gasa g. **Valentin Ilievski** zajedno sa ministrom industrije, energetike i rudarstva Republike Srpske g. **Petrom Đokićem** i pustili u rad ovo postrojenje.

Tom prilikom se medijima, uposlenicima i gostima obratio generalni direktor g. Ilievski koji je istakao da je kompanija vrlo brzo dobila dozvole zahvaljujući ministarstvu i ministru g. Đokiću te da je gradnja završena u optimalnom vremenu.

„Prvobitno smo investirali u pogon prije šest godina. Svi proizvodni kapaciteti su rasprodani pa smo se odlučili za novu investiciju od pet miliona KM u opremi i milion u građevinskim zahvatima i objektima. S novim postrojenjima smo udvostručili proizvodnju CO<sub>2</sub> i već sada imamo veliki interes da i sva proizvodnja drugog pogona bude rasprodana. Jako nam znači podrška u vidu korektno saradnje administracije RS i resornog ministarstva sa Messerom. Kao strani investitor mnogo nam znači korektnost i neusporavanje procedura, a vjerujem da je to odličan znak i za druge strane i domaće investitore“, istakao je prilikom otvorenja generalni direktor Messer BH Gasa g. Valentin Ilievski.

Ministar Đokić je naglasio kako se saradnja s Messerom odvijala bez teškoća, uz mnogo obostranog razumijevanja i korektnosti.

„Vlada i ministarstvo na čijem sam čelu je dodijelila koncesije i maksimalno pojednostavila procedure u skladu sa propisima RS i BiH. Drago nam je što je Messer nakon investicije od prije šest godina odlučio da nastavi investirati u pogon u Sočkovcu. Strani investitor koji je do sada u BiH uložio više od 100 miliona eura je naš ozbiljan partner i zahvalni smo što su i oni u nama vidjeli ozbiljnog partnera za stvaranje poslovnog okruženja“, rekao je Petar Đokić, ministar industrije, energetike i rudarstva RS.

Danas se cijeli tim naše kompanije okupio na «Ajvarijadi» u Sočkovcu, gdje u krugu fabrike CO<sub>2</sub> uzgajamo paprike i svake godine proizvodimo vlastiti ajvar.

Tu su bili svi Messerovci od Mostara preko Zenice, Sočkovca do Banja Luke i Bihaća, učestvujući u akciji pravljenja ajvara od domaćih paprika.

Iz četiri platenika Messer u Sočkovcu godišnje ubere oko pet tona paprika, od čega uposlenici prave tokom druženja ajvar za sebe i goste.

I ministar Đokić se pridružio "Ajvarijadi" i u kuharskoj kecelji i kapi pripremio svoj domaći ajvar.







Sarajevo, 17.07.2018



### **Messer i CVC dogovorili sa Lindeom kupovinu dijelova američkog posla**

Stručnjaci za industrijske plinove Messer i CVC Capital Partners Fund VII („CVC“) postigli su sporazum sa kompanijom Linde AG o preuzimanju većeg dijela Lindeovog posla s plinovima u Sjevernoj Americi kao i pojedinih poslovnih aktivnosti u Južnoj Americi.

Kupljena sjeverno- i južnoamerička društva su sa ca. 5.100 zaposlenika u 2017. godini ostvarila promet od 1,7 mlrd. US dolara (1,4 mlrd. EUR), kao i Ebitdu od ca. 360 mil. US dolara (305 mil. EUR). Kupovna cijena od 3,3 mlrd. US dolara (2,8 mlrd. EUR) će u momentu zaključenja podlijegati uobičajenim prilagodbama. Transakcija također zavisi i od uspješnog okončanja planirane fuzije između plinskih kompanija Linde i Praxair, kao i od odobrenja nadležnih organa za pitanja monopola.

Joint venture između Messera i CVC Fund VII poslovat će pod nazivom MG Industries pod markom Messer.

Messer, najveća svjetska kompanija za industrijske plinove kojom rukovodi vlasnik, u MG Industries će unijeti svoja operativna zapadnoevropska društva. Organizacije u Španiji, Portugalu, Švicarskoj, Francuskoj, Beneluxu, Danskoj i Njemačkoj su sa 780 zaposlenika u 2017. godini ostvarile promet od 334 mil. EUR. Na svjetskom nivou, Messer je sa 5.675 zaposlenika ostvario godišnji promet veći od 1,2 mlrd. EUR.

„Sa ovim strateškim partnerstvom iskoristit ćemo jedinstvenu šansu da se vratimo na sjeverno i južnoameričko tržište i napravimo globalnog igrača u biznisu sa industrijskim plinovima“, rekao je Stefan Messer, vlasnik i CEO Grupacije Messer sa sjedištem u Bad Sodenu u Njemačkoj.

U procesu restrukturiranja Grupacije Messer 2004. godine sjevernoamerički biznis prodat je francuskoj kompaniji Air Liquide SA. „Poznavanjem branše i znanjem u oblasti tehnike primjena, sa operativnom ekspertizom i globalnom mrežom CVC-a, te sa veoma iskusnim i motiviranim zaposlenicima, dalje ćemo širiti naše poslove“, dodao je gđin. Messer.

Alexander Dibelius, managing partner i rukovodilac DACH-a u CVC-u dodaje: „Radujemo se saradnji sa Grupacijom Messer kao i sa porodicom Messer, sa kojom godinama negujemo blizak kontakt. Messerove kompetence u oblasti inženjeringa i tehnike primjena su bitni faktori za budući razvoj kupljenih aktivnosti.“

Kompanija Messer djeluje u BiH od 1997. godine sa tri svoja društva, tri fabrike, nekoliko distributivnih centara i jedan je od najvećih stranih investitora u BiH za šta su i dobili priznanje od FIPA-e u 2009. godini.





**Sarajevo, 17.07.2018**

### **Messerovi fudbaleri osvojili treće mjesto**

Dobar tim čini zdravim zdravlje svakog pojedinca. Mi u Messeru znamo da bez zdravlja uma, tijela i duha svakog uposlenika ne može biti ni velikih poslovnih rezultata. Zato koristimo svaku priliku da pokažemo koliko je sport važan za kvalitet života jednog organizma – a firma nije ništa drugo do jedan organizam koji pulsira snagom onih koji ga čine.

Naši uposlenici se odazivaju na sportske manifestacije, učestvuju u šetnjama, planinarenju, utrkama različite namjene i djeluju proaktivno na društvo u kojem žive.

Tako smo učestvovali na fudbalskom turniru u Travniku, koji je održan 14.07.2018. godine u krugu firme GS TMT Travnik, i osvojili 3. mjesto.

Riječ je o 7. Memorijalnom turniru "Kurt Kopruner" u čast preminulom vlasniku ove kompanije iz Austrije, a na kojem je učestvovalo 17 ekipa iz BiH, Hrvatske i Srbije.

Na ovom turniru Messer učestvuje već 6. put, a treće mjesto smo osvojili pobjedom nad ekipom firme Intelcom iz Zenice sa 4:1. Prošle godine smo bili drugi.

Ovo je bila prilika da se sjetimo g. Koprunera koji je ostavio izuzetan trag u poslovnom životu BiH i Austrije i da ne zaboravimo da je čovjek glavni motor svakog procesa čiji um, tijelo i duh treba stalno održavati.





**Sarajevo, 10.07.2018**

### **FIC izrazio zahvalnost Messeru**

Na proslavi kojom je obilježeno dvanaest godina FIC-a (Foreign Investors Council) ili Vijeća stranih investitora u Bosni i Hercegovini, prezentirana je publikacija FIC Business Barometar iz koje se mogu iščitati rezultati istraživanja među svim članicama ovog Vijeća u pogledu njihovih iskustava u radu ovdje. Istaknuto je da nijedan ozbiljan strani investitor nije izgubio svoj kapital u BiH dok ih 70 posto namjerava investirati svoju dobit u naredne tri godine. Također je istaknuto da u fokusu vlasti mora biti kreiranje pozitivnog ambijenta za dalje podsticanje stranih investitora da ulažu ovdje.

Direkcija FIC-a se posebno zahvalila, pored nekoliko kompanija, i Messer BH Gasu, koji je stalni učesnik aktivnosti koje Vijeće provodi i odaziva se na pozive za suradnju.

Messer je uz Arcelor Mittal, Coca Colu, Heidelberg Cementaru i Zeraa Agriculture Investment bio i sponzor ovoga događaja koji se održao 3. jula u sarajevskoj Vijećnici uz brojne zvanice iz političkog, privrednog i javnog života BiH.





NOVOSTI.IZ SVIJETA PLINOVA.

Part of the Messer World ■ ■

**Sarajevo, 11.06.2018**

### **Odlična godina za Grupaciju Messer**

Grupacija Messer objavila je godišnji izvještaj iz kojeg se može zaključiti da je u odnosu na 2016. godinu u poslovnoj 2017. godini zabilježen veći promet, veća dobit i manja potrošnja energije.

Na internet stranici [www.messergroup.com](http://www.messergroup.com) objavljeni su svi godišnji izvještaji od 1964. do danas. Skice ekonomskog okruženja koje je pripremio historičar dr. Jörg Lesczenski, kompletiraju 50-godišnju poslovnu historiju Messera.

U izvještaju se kaže da je u poslovnoj 2017. godini Messer ponovo povećao svoj promet i dobit i daleko premašio ciljeve u uštedi energije, dok su pokazatelji u oblasti sigurnosti također znatno poboljšani.

Najveći stručnjak za industrijske plinove u privatnom vlasništvu ostvario je konsolidirani promet od 1,232 mlrd. EUR, u poređenju sa 1,146 mlrd. EUR u 2016. godini, kao i operativnu dobit od 290 miliona EUR. U prošloj godini ona je iznosila 249 miliona EUR.

Poslovna 2017. godina bila je u poređenju sa prethodnom godinom obilježena skoro idealnim okolnostima u privredi. „Ovo nam je uprkos našoj prognozi pomoglo da bitno povećamo promet za 7,5% u poređenju sa poslovnom 2016. godinom. Također, izostao je i pad Ebitde prognoziran za 2017. godinu i umjesto toga ona je u poređenju sa prethodnom godinom povećana za više od 16%. To je najvećim dijelom rezultat poslovanja u Kini koje je bilo daleko iznad očekivanja“, rekao je Stefan Messer, vlasnik i CEO Grupacije Messer.

Investirano je 144 mil. EUR. „Kroz manje investicijske izdatke kao i bolje rezultate umanjili smo ukupno neto zaduženje više nego što smo planirali. Tako smo napravili finansijsku osnovu da našu kompaniju dugoročno osiguramo sa budućim investicijama“, objasnio je Hans-Gerd Wienands, CFO Grupacije Messer.

U skladu sa principima ekonomije, prioritetno će se investirati u projekte koji osiguravaju snabdjevenost proizvodima i nude šanse za profitabilni razvoj. Osim toga, redovno će se investirati u modernizaciju proizvodnih pogona kao i distributivnih sredstava.

„Stvarati vrijednosti. Živjeti vrijednosti“ – generalna je odrednica certificiranog izvještaja o održivosti Grupacije Messer iz Bad Sodena.

„Pojam vrijednosti se može i treba razumjeti na različite načine. Za Messer on ima dva centralna značenja: prvo kao ekonomska vrijednost i drugo kao vodilja za naše poduzetničko djelovanje. Spojiti ovo dvoje – održivi razvoj i djelovanje orijentirano prema vrijednostima – je svakako umjetnost“, istakao je Stefan Messer.

Još od 2014. godine Messer objavljuje godišnje CSR izvještaje i na dobrovoljnoj osnovi iznosi svoje podatke o okolinskoj i klimatskoj zaštiti, sigurnosti, socijalnom angažmanu, orijentaciji na zaposlenike i kupce. Izvještaj provjeravaju internacionalni Global Reporting Initiative (GRI) i Global Compact.

Cilj Grupacije Messer je smanjiti specifičnu potrošnju energije u proizvodnim postrojenjima za zračne plinove za 0,5% u periodu od 2010. do 2020. godine. To bi se trebalo postići boljim korištenjem kapaciteta, kontinuiranim investicijama u još efikasnija postrojenja i ciljanim projektima na temu energetska efikasnost. Za upravljanje energijom u Messerovoj organizaciji odgovorna je pozicija Global

Energy Officer (GEO). U poređenju sa prethodnom godinom, Messer je smanjio specifičnu potrošnju energije za 1,7% što je znatno više od planiranog cilja.

Svi drugi pokazatelji iz godišnjeg izvještaja mogu se pronaći na adresi:

<http://jahresbericht.messergroup.com>

<http://annualreport.messergroup.com>









NOVOSTI.IZ SVIJETA PLINOVA.

Part of the Messer World 

**Sarajevo, 02.06.2018**

### **I Messer je (za)kuhao u Ozrenskom kotliću**

Na platou Kaluđerica na planini Ozren, Opština Petrovo, održano je takmičenje "Ozrenski zlatni kotlić" u sklopu 14. Ozrenskog maratona.

Već petu godinu zaredom Messer je sponzor ove manifestacije ali i aktivan učesnik u takmičenju spravljanja kotlića. Takmičenje je revijalnog karaktera i učestvovala su 22 ekipe iz BiH, Srbije i Hrvatske, takmičeći se u spravljanju nadaleko poznatog ozrenskog čorbanca.

Prvo mjesto odnijela je ekipa "Čarda" iz Doboja čiji je kotlić prema ocjeni žirija bio najukusniji, u stopu su ih slijedili iskusni Brčaci, dok je treće mjesto osvojila kuharska ekipa iz Šida (Srbija).

Iako nisu osvojili nijedno od prva tri mjesta, Messerovi "kuhari u pokušaju" dobili su najviše ocjene za „umjetnički dojam“ s obzirom na dobru organizaciju i uniformiranost, jer su nosili brendirane crvene kecelje i bili primijećeni od svih prisutnih.

Premda bez velikog iskustva u spravljanju čorbanca, sa puno ljubavi i truda dokazali smo da to znamo izuzetno kvalitetno raditi s obzirom na činjenicu da je svih 30 tanjira čorbanca među prvima pojedeno.

Naša ekipa je poručila: Slijedeće godine prvaci!

Ova manifestacija širi pozitivan duh, utiče na povezivanje ljudi ne samo iz ovoga kraja nego iz tri države (BiH, Hrvatska i Srbija), djeluje antistresno jer se boravi u prirodi – druži, kuha, pleše, izlaže i trči.

Organizatori Ozrenskog planinarskog maratona su Opština Petrovo, JU „Kulturno-turistički i sportski centar“ i Planinarsko društvo „Ozren-Kraljica 883“ iz Petrova, a organizaciju su pomogli pripadnici Oružanih snaga BiH, JKP „Voda“ Petrovo, manastir Ozren i Udruženje dijabetičara „Dijabeta“ iz Doboja.

Sponzori manifestacije su pored naše kompanije i TGP „Tehnogas“ Kakmuž, „Lav pivo“, „Vitinka“, „Asa osiguranje“ i drugi.





**Sarajevo, 30.05.2018**

### **Efendić i Šabić se sastali sa privrednicima u Messeru**

Danas je svečano otvoren rekonstruirani krak Rajlovačke ceste koja vodi kroz poslovnu zonu u kojoj posluje preko 20 privrednih subjekata među kojima je i kompanija Messer.

Ovaj projekat realizirala je Općina Novi Grad Sarajevo uz podršku Ministarstva privrede KS kao jedan od strateški značajnih planova za razvoj infrastrukture poslovnih zona.

Cesta je već duže vrijeme bila u jako lošem stanju što je dovelo u pitanje nesmetan rad velikog broja firmi koje posluje u tom području. Urađena je temeljita rekonstrukcija kolovoza širine 6 metara sa dvije saobraćajne trake, ivičnjaci, kao i odvodnja oborinskih voda.

Bila je to prilika da općinski načelnik, g. Semir Efendić, i ministar privrede Kantona Sarajevo, g. Muharem Šabić, sa svojim suradnicima obišu ovaj dio rekonstruirane ceste i održe prigodni poslovni sastanak u prostorijama upravne zgrade naše kompanije.

Generalni direktor Messer BH Gasa i Messer Tehnoplina g. Valentin Ilievski ih je u svojstvu dobrog domaćina dočeka i zahvalio se što su došli u obilazak svih privrednih subjekata koji djeluju na ovom području i što se upravo u Messeru, koji se nalazi na kraju ovoga obnovljenog dijela ceste, održava sastanak sa privrednicima dijela poslovne zone Rajlovac.

G. Ilievski je upoznao ministra i načelnika sa svim pitanjima koja su ostala otvorena u komunikaciji između Messera i općinske i kantonalne vlasti te istakao koliko je važno olakšati poslovanje investitorima koji poput Messera ulažu sredstva, znanje, tehniku i ljudske potencijale u ovu zemlju.

Susret je protekao u obećavajućoj atmosferi za bolji poslovni ambijent u budućnosti jer su i g. Efendić i ministar Šabić naglasili kako je prioritet i Općine i Kantona uspostavljanje boljih ekonomskih prilika za sve one koji žele investirati ovdje i tako, između ostalog, pružiti mogućnost našim kadrovima za zaposlenje i kreiranje pozitivnije slike za sve druge koji se dvoume da li razvijati biznis u BiH.

Nakon što su predstavnici drugih firmi izložili svoje planove za naredni period kao i teškoće koje ih limitiraju u radu, dobili su obećanja da će se raditi na tome da se iznađu konstruktivna rješenja koja će skratiti postupak dobijanja dozvola i ostalih administrativnih barijera.

G. Ilievski je predložio općinskom načelniku da se razvije bolja komunikacija između privrednih društava i općinskih službi tako što bi jedna osoba trebala zadužiti referat za sve što je neophodno privrednicima i tako skratiti put i ubrzati rješavanje određenih potreba.

Također su se zahvalili generalnom direktoru Messera što je naša kompanija ustupila vlastite kapacitete za potrebe održavanja sastanka koji neće sigurno biti posljednji jer je plan Općine Novi Grad nastaviti trend jačanja privrednih kapaciteta u ovoj sarajevskoj općini.

Na koncu su svi naglasili da je saobraćajnica osnova od koje se počinje i bez koje je nemoguće raditi, proizvoditi i komunicirati. Urađena je temeljno tako da će se moći koristiti za teški teretni saobraćaj. Vrijednost projekta iznosi oko 600.000 KM.

Sastanku su prisustvovali predstavnici slijedećih firmi: Bosman, Brojler, DHL, Ewofarma, Express One, General Logistic, Hercegovinalijek, Teknox group i Messer BH Gas.



**Sarajevo, 30.05.2018**

### **Efendić i Šabić se sastali sa privrednicima u Messeru**

Danas je svečano otvoren rekonstruirani krak Rajlovačke ceste koja vodi kroz poslovnu zonu u kojoj posluje preko 20 privrednih subjekata među kojima je i kompanija Messer.

Ovaj projekat realizirala je Općina Novi Grad Sarajevo uz podršku Ministarstva privrede KS kao jedan od strateški značajnih planova za razvoj infrastrukture poslovnih zona.

Cesta je već duže vrijeme bila u jako lošem stanju što je dovelo u pitanje nesmetan rad velikog broja firmi koje posluju u tom području. Urađena je temeljita rekonstrukcija kolovoza širine 6 metara sa dvije saobraćajne trake, ivičnjaci, kao i odvodnja oborinskih voda.

Bila je to prilika da općinski načelnik, g. Semir Efendić, i ministar privrede Kantona Sarajevo, g. Muharem Šabić, sa svojim suradnicima obiđu ovaj dio rekonstruirane ceste i održe prigodni poslovni sastanak u prostorijama upravne zgrade naše kompanije.

Generalni direktor Messer BH Gasa i Messer Tehnoplina g. Valentin Ilievski ih je u svojstvu dobrog domaćina dočekao i zahvalio se što su došli u obilazak svih privrednih subjekata koji djeluju na ovom području i što se upravo u Messeru, koji se nalazi na kraju ovoga obnovljenog dijela ceste, održava sastanak sa privrednicima dijela poslovne zone Rajlovac.

G. Ilievski je upoznao ministra i načelnika sa svim pitanjima koja su ostala otvorena u komunikaciji između Messera i općinske i kantonalne vlasti te istakao koliko je važno olakšati poslovanje investitorima koji poput Messera ulažu sredstva, znanje, tehniku i ljudske potencijale u ovu zemlju.

Susret je protekao u obećavajućoj atmosferi za bolji poslovni ambijent u budućnosti jer su i g. Efendić i ministar Šabić naglasili kako je prioritet i Općine i Kantona uspostavljanje boljih ekonomskih prilika za sve one koji žele investirati ovdje i tako, između ostalog, pružiti mogućnost našim kadrovima za zaposlenje i kreiranje pozitivnije slike za sve druge koji se dvoume da li razvijati biznis u BiH.

Nakon što su predstavnici drugih firmi izložili svoje planove za naredni period kao i teškoće koje ih limitiraju u radu, dobili su obećanja da će se raditi na tome da se iznađu konstruktivna rješenja koja će skratiti postupak dobijanja dozvola i ostalih administrativnih barijera.

G. Ilievski je predložio općinskom načelniku da se razvije bolja komunikacija između privrednih društava i općinskih službi tako što bi jedna osoba trebala zadužiti referat za sve što je neophodno privrednicima i tako skratiti put i ubrzati rješavanje određenih potreba.

Također su se zahvalili generalnom direktoru Messera što je naša kompanija ustupila vlastite kapacitete za potrebe održavanja sastanka koji neće sigurno biti posljednji jer je plan Općine Novi Grad nastaviti trend jačanja privrednih kapaciteta u ovoj sarajevskoj općini.

Na koncu su svi naglasili da je saobraćajnica osnova od koje se počinje i bez koje je nemoguće raditi, proizvoditi i komunicirati. Urađena je temeljno tako da će se moći koristiti za teški teretni saobraćaj. Vrijednost projekta iznosi oko 600.000 KM.

Sastanku su prisustvovali predstavnici slijedećih firmi: Bosman, Brojler, DHL, Ewofarma, Express One, General Logistic, Hercegovinalijek, Teknox group i Messer BH Gas.



**Škofja Loka, 26.05.2018**

### **Messer otvorio prvu kisikanu u Sloveniji**

Grupacija Messer proslavlja ove godine svojih 120 godina tradicije, rada i poslovnog uspjeha. Jedan od velikih događaja za cijelu Messerovu porodicu je otvaranje prve Messerove kisikane u Sloveniji i prve kisikane uopće izgrađene u ovoj državi.

Svečano otvorenje je bilo u Škofja Loka 25. maja u prisustvu uprave društva, brojnih zvaničnika, kupaca, uposlenih i svih prijatelja Messer Slovenija.

Vlasnik Messer Group, g. Stefan Messer, nije krio zadovoljstvo ovim postignućem koje će snabdijevati preko 3500 kupaca.

- Sretan sam što je Messer izgradio prvi u Sloveniji jednu ovakvu fabriku i što smo kao kompanija jedan od generatora industrijskog razvoja Slovenije. Sretan sam jer znam da će ova fabrika biti osa oko koje će se okretati svi oni kojima je neophodan ovaj plin za rad, za proizvodnju, za život. S današnjim otvaranjem tvornice kisika mi smo sklopili našu najveću investiciju", istakao je g. Messer.

Generalni direktor Messer Slovenija i Messer BH, g. Valentin Ilievski, kazao je da je fabrika savremeno industrijsko postrojenje koje obuhvaća 9.500 m<sup>2</sup> zemljišta, u koje je uloženo 20 miliona EUR.

- Mi smo ovdje izgradili najmoderniju kisikanu. Prvu u Sloveniji. Ova fabrika više je od investicije koja će donijeti dobre rezultate. Ona je pokretač razvoja u ovoj oblasti, rekao je Ilievski, dok je ministar za ekonomski razvoj i tehnologiju, g. Zdravko Počivalšek, pozdravio ovu investiciju s još jednim razlogom jer je otvoreno novih 20 radnih mjesta i napomenuo da je svaka investicija u Sloveniju važna i dragocjena.

Regionalni rukovodilac Messera za jugoistočnu Evropu, g. Ernst Bode, naglasio je važnost dobre suradnje sa poslovnim partnerima i suradnicima u sklopu Messer Group koji su pokazali svoju solidarnost u toku gradnje fabrike u Škofja Loka.

Kisikana je svečano puštena u pogon, čime je postala najnovija među 25 Messerovih proizvodnih postrojenja.



**Sarajevo, 13.05.2018**

### **Uspješna prezentacija na tešanjском sajmu**

Sajam privrede u Tešnju održava se već četrnaest godina i prepoznat je kao kvalitetan susret privrednika iz BiH, zemalja Regije i šire.

Ove godine je predsjedavajući Vijeća ministara, gđin. Denis Zvizdić, zajedno sa italijanskim ambasadorom Nicolom Minasijem i predsjednikom Udruženja privrednika Tešanj Senadom Brkom otvorio Sajam.

Preko 200 izlagača, među kojima je i naša kompanija, predstavili su svoje proizvode i omogućili svim posjetiteljima da dobiju informacije o firmi, načinu poslovanja, plasmanu i cijenama.

Ove godine zemlja partner Sajma bila je Italija, koja s BiH ima trgovinsku razmjenu u iznosu od 1,5 mlrd. EUR, što dokazuje da BiH postaje sve otvorenije i konkretnije mjesto za privrednu suradnju.

Messer se na sajmu predstavio kao lider u proizvodnji plinova potrebnih za život, i u skladu s tim postignuti su i dogovori sa potencijalnim klijentima.

Korist ovog sajma je neizmjerljiva, jer pored izlagačkog dijela i efikasnosti u sticanju kontakata, sajam je prilika da se družite sa poslovnim partnerima i kupcima s kojima surađujete dugi niz godina, ali nemate često priliku da porazgovarate o novim planovima.

Messer je tu priliku i iskoristio, pa smo se družili sa našim kupcima koji su također bili izlagači: Saračević, Inox Ajanović, Medena, RS Silikon, BME, Hifa, Eurometali, Man Hummel, Pobjeda Tešanj, Zema...

Od njih smo dobili sve pohvale za uređenost štanda i prezentaciju plinova - koji se ne vide, ali se, popularno rečeno, miješaju u sve.



NOVOSTI.IZ SVIJETA PLINOVA.

**Sarajevo, 08.05.2018**

#### **Messer partner Festivala dječije umjetnosti**

4. Festival dječije umjetnosti (FEDU) je od renomiranih kulturnih stvaralaca dobio prefiks značajnog umjetničkog festivala za populaciju od 5. do 15. godina.

Kompanija Messer je od prvog festivala podrška mladim kreativcima i svim stvaralocima koji stavljaju djecu i mlade na prvo mjesto u svome umjetničkome opusu.

Messer u BiH je prepoznao vrijednost, kvalitetu i značaj jednog ovakvog umjetničkog festivala u budućnosti, u razvoju naše djece i njihovom umrežavanju sa Regijom i svijetom.

Ove godine FEDU je obojen šarenilom u likovnoj umjetnosti, djeca su dobila nagrade za najbolju ilustraciju, skulpturu, priču, ali i za najbolji pop rok vokal.

Deset izvanrednih pozorišnih predstava iz Srbije, Hrvatske i BiH se takmičilo u nekoliko kategorija: najbolja predstava, režija, dramski tekst, glumac, glumica i najjači aplauz – nagrada publike.

Grand prix Festivala PLANETA TEATAR otišla je u Kragujevac, Pozorištu za decu, koji su izveli fantastičnu bajku «Princezin rođendan» prema djelu slavnoga Oscara Wildea a u režiji Todora Valova.

Messer je sponzorirao prvu nagradu i tako omogućio da se afirmira stvaralaštvo za djecu i da najmlađi u BiH imaju priliku učestvovati, pogledati i poslušati ono što je svjetski relevantno i kvalitetno.

"Messer je kompanija koja zna da našu buduću snagu predstavljaju naraštaji koji dolaze. Želimo im omogućiti da stasaju u kulturne i obrazovane ljude koji će pomoći u razvoju ovog društva. Festival osim radosti i kreativnoga rada otvara djeci i mladima prozor u jedan ljepši svijet", istakao je generalni direktor Messer BH Gasa gđin. Valentin Ilievski i zaključio da će Messer nastaviti podržavati kreativni dio ove manifestacije.



GLAVNI PARTNER  
FESTIVALA



Općina  
Stari Grad  
Sarajevo

ZLATNI SPONZORI



SREBNI SPONZOR



SPONZORI



POSREDOVAČI




GENITALNI MEDIJSKI PARTNERI

WWW.FEDU.BA







**Sarajevo, 15.04.2018**

#### **Messer - bronzani sponzor Zeničkog cenera**

Na zeničkim ulicama održana je prva utrka na 10 kilometara simboličnog naziva "Zenički cener-ArcelorMittal" na kojoj se okupilo više od 500 takmičara iz Bosne i Hercegovine i zemalja Regije. Organizator utrke je Udruženje za razvoj i podršku planinarstva i sportskog turizma "Vedro" iz Zenice koje je promotor rekreativnog trčanja i zdravog načina života.

Veliki broj volontera, sponzora, donatora i aktivnih zagovornika trčanja, od djece do ljudi u poznoj dobi, uzelo je učešća u ovoj utrci kroz Zenicu. Najmlađa učesnica zeničkog cenera bila je Iman Imamović, dok je najstariji trkač imao 79 godina.

Pobjednik u muškoj kategoriji je Srđan Samardžić, dok je drugoplasirani bio Stefan Čuković. Treće mjesto je pripalo Aliji Imamoviću, a četvrtoplasirani je bio Zaim Šuman. U ženskoj kategoriji prvoplasirana je bila olimpijka Ana Subotić, drugo mjesto je pripalo Biljani Cvijanović, dok je trećeplasirana bila Amela Trožić. Četvrto mjesto pripalo je Almi Hrnjić. Najbolji su osim plakete i prigodnih darova sponzora dobitnici i novčanih nagrada.

Kompanija Messer propagira zdrav život i daje podršku svim strukturama društva koje ističu vrijednosti čuvanja zdravlja građana i okoline. S obzirom na to, odazvali smo se i na poziv organizatora utrke i dali svoj sponzorski doprinos u realizaciji ovog događaja koji će, prema riječima inicijatora iz Udruženja "Vedro", prerasti u tradicionalan.



**Sarajevo, 13.04.2018**

### **Zabava u čast 15 Messerovih jubilejaca**

U velikoj hali Messerovog novog servisa u Rajlovcu 13. aprila 2018. godine organizirana je zabava za petnaest naših uposlenika koji već dvadeset godina rade za ovu kompaniju i doprinose njenom boljitku i progresu.

Njihove kolege su im u tu čast pripremili zabavni program, dok se menadžerski tim pobrinuo za prigodne zahvalnice i nagrade.

Prostor hale bio je oplemenjen i kreativnim retro kutkom u kojem se kroz nekoliko eksponata moglo ustanoviti u kakvom su vremenu počeli svoj poslovni put u Messeru, a gdje su sada i šta je sve stalo u ta dva desetljeća.

Sve je nalikovalo na pomalo nostalgičnu sliku protoka vremena: s jedne strane stara pisaća mašina a s druge najsuvremeniji kompjuter, s jedne strane stari žičani telefon, a s druge moderni model, na jednom zidu slika prvog predsjednika SFRJ druga Tita, a s ove umjetnička slika.

Jubilejcima se obratio generalni direktor gđin. Valentin Ilievski koji im se zahvalio na svim godinama ulaganja znanja i vremena u ovu svoju "drugu kuću" riječima:

"Dragi naši jubilejci,

kada je Messer došao u Bosnu i Hercegovinu, vas petnaest je bilo među prvim koji su ga dočekali, prihvatili i gradili ovu kompaniju mrvu po mrvu, pedalj po pedalj, kamen po kamen. I izgradiste palaču!!! Nakon 20 godina, niste baš prinčevi i princeze, i nije ovo baš najraskošnija kraljevska palača – ali jeste uvaženi domaćini i jeste ovo vaš drugi dom u kojem možda provodite više vremena nego u vlastitim domovima.

Dragi Asime, Emina, Senija, Nezire, Ramize, Mustafa, Nijaze, Almir, Ragibe, Mirsade, Fahrudine, Hasane, Smajo, Amire i Jasna,

Svi ste vi više Messerovci nego ja! To odgovorno tvrdim.

Vi ste ovdje 20 godina, a ja nepunih deset!

To je samo u mjesecima 240, u danima 7200, u satima je to više od 54 hiljade sati koje ste dali za razvoj i unapređenje Messera.

Dvadeset godina je trećina prosječnog životnog vijeka. Dvadeset godina je najbolji dio u aktivnome radnom vijeku jednog čovjeka. Taj najplodniji dio naših života vi ste ugradili u Messer, a Messer u privredu Bosne i Hercegovine i u njen industrijski razvoj. Smatrali smo i dan danas smatramo da to ima smisla. Da se ovdje mogu napraviti rezultati vrijedni spomena.

I s vama smo uspjeli da pokažemo da ništa nije nemoguće uz želju, rad, istrajnost, dobre namjere i viziju.

Ovo je tek prvih 20 godina rada za Messer. Pred vama je još toliko!

Hvala vam za sve."

Naši uposlenici nisu mogli sakriti svoju uzbuđenost i zadovoljstvo što su dočekali ovaj momenat i što se i ovoga puta potvrdila kolegijalnost i solidarnost na djelu Messerovog tima.



**Sarajevo, 02.04.2018**

### **Knjiga je najbolji poklon**

Na Međunarodni dan dječije knjige, 02. april, Messer u Bosni i Hercegovini je pripremio djeci svojih uposlenika jedan poklon koji nikad ne zastarijeva – KNJIGU.

Njeno Veličanstvo KNJIGA uvijek je najbolji poklon. Ona ne može iznevjeriti. Ona i u ovim modernim digitalnim vremenima nije izgubila svoj smisao, simboliku i vrijednost.

Zato je neophodno da je najmlađi zavole još u ranom djetinjstvu, još i prije nego što nauče čitati i pisati, onda kada im ih roditelji čitaju da li kao priče za laku noć ili u bilo kojoj drugoj prilici.

Djeca trebaju da odrastaju uz knjigu.

Naša kompanija je zagovornik radosti čitanja, stoga smo odlučili da djeci poklonimo KNJIGU – dar koji ih neće razočarati.

«BAJKODROM» je zbornik najljepših bajki bosanskohercegovačkih autora, poznatih književnih imena, koji su ispisali priče namijenjene djeci koja vole da čitaju i uče, ali i da se zabavljaju i igraju.

U «BAJKODROMU» su se našle sve nagrađene priče koje su dobile nagrade na Festivalu dječije umjetnosti kao najbolje.


Uz posvetu: "Dok si dijete sanjaj da uz knjigu odrasteš što prije, a kad odrasteš, vrati se knjizi da ostaneš dijete. Uživaj u svom ličnom doživljaju "Bajkodroma", želimo da odnjegujemo generacije koje će znati šta su prave vrline i po njima će živjeti.

Sretno vam djetinjstvo, djeco knjige!

Na Međunarodni dan dječije knjige,

02.04.2018.

Messer BiH



**Sarajevo, 12.02.2018**

### **Ilievski: 2018. će biti godina ekspanzije i izvoza**

U svom tradicionalnom intervjuu kojim se najavljuju djelatnosti Messera u predstojećoj godini, Valentin Ilievski, generalni direktor Messer BH Gasa i Messer Tehnoplina je izjavio: «Nove investicije dovode do širenja, a širenje podrazumijeva i izvoz van granica naše zemlje. Nastupajuća godina bit će orijentirana na eksportiranje, izvoz. Kao i narednih sto, koliko se najmanje mislimo zadržati ovdje.»

O vrijednosti proizvodnog pogona u Sočkovcu u kojem je otvorena nova bušotina CO<sub>2</sub> te povoljnostima koje iz toga proizilaze, Ilievski kaže: Sama vrijednost nove Messerove fabrike u Sočkovcu prelazi investiciju od 2,5 miliona EUR, a u adekvatnu laboratorijsku opremu uloženo je dodatnih preko 250 hiljada EUR. U cilju kontinuiranog nadzora nad ispravnošću proizvoda od samog izvorišta CO<sub>2</sub> do pretakanja plina kod kupaca, definirani su osnovni principi HACCP kodeksa i implementiran je standard za upravljanje sigurnošću hrane ISO/FSSC 22000. Također, standard ISO 14001:2015 potvrđuje da je naše poslovanje u skladu sa zahtjevima o okolinskom upravljanju, a kroz niz implementiranih akcija u proteklom periodu Messer BH Gas pokazuje da je društveno odgovorna kompanija. Treba naglasiti da je postrojenje u Sočkovcu jedini ovlašteni dobavljač CO<sub>2</sub> od strane Coca-Cole u Bosni i Hercegovini.”

Naredne aktivnosti Messera u BiH bit će usmjerene i na učvršćivanje našeg logističkog lanca kojim povezujemo Messerova društva u cijeloj Bosni i Hercegovini.

“Naš moto je”, ističe Ilievski, “ekspanzija”.



**Sarajevo, 12.02.2018**

### **Ilievski: 2018. će biti godina ekspanzije i izvoza**

U svom tradicionalnom intervjuu kojim se najavljuju djelatnosti Messera u predstojećoj godini, Valentin Ilievski, generalni direktor Messer BH Gasa i Messer Tehnoplina je izjavio: «Nove investicije dovode do širenja, a širenje podrazumijeva i izvoz van granica naše zemlje. Nastupajuća godina bit će orijentirana na eksportiranje, izvoz. Kao i narednih sto, koliko se najmanje mislimo zadržati ovdje.»

O vrijednosti proizvodnog pogona u Sočkovcu u kojem je otvorena nova bušotina CO<sub>2</sub> te povoljnostima koje iz toga proizilaze, Ilievski kaže: Sama vrijednost nove Messerove fabrike u Sočkovcu prelazi investiciju od 2,5 miliona EUR, a u adekvatnu laboratorijsku opremu uloženo je dodatnih preko 250 hiljada EUR. U cilju kontinuiranog nadzora nad ispravnošću proizvoda od samog izvorišta CO<sub>2</sub> do pretakanja plina kod kupaca, definirani su osnovni principi HACCP kodeksa i implementiran je standard za upravljanje sigurnošću hrane ISO/FSSC 22000. Također, standard ISO 14001:2015 potvrđuje da je naše poslovanje u skladu sa zahtjevima o okolinskom upravljanju, a kroz niz implementiranih akcija u proteklom periodu Messer BH Gas pokazuje da je društveno odgovorna kompanija. Treba naglasiti da je postrojenje u Sočkovcu jedini ovlašteni dobavljač CO<sub>2</sub> od strane Coca-Cole u Bosni i Hercegovini.”

Naredne aktivnosti Messera u BiH bit će usmjerene i na učvršćivanje našeg logističkog lanca kojim povezujemo Messerova društva u cijeloj Bosni i Hercegovini.

“Naš moto je”, ističe Ilievski, “ekspanzija”.



**Sarajevo, 19.01.2018**

### **Ilievskom uručena zahvalnica dječijeg festivala**

Danas je u prostorijama Uprave kompanije Messer u Rajlovcu generalni direktor Messer BH Gas/Messer Tehnoplina, gđin. Valentin Ilievski, primio gđina. Fahrudina Kučuka, književnika za djecu i mlade i direktora Festivala dječije umjetnosti u Sarajevu.

Festival dječije umjetnosti (FEDU) prvi je internacionalni festival u BiH i Regionu koji je prilika za afirmaciju knjige, muzike, pozorišne i likovne umjetnosti za djecu i mlade, ali i ostalih vrijednosti koje iz toga proizilaze. U ovoj godini održava se četvrti po redu festival koji je od renomiranih kulturnih stvaralaca dobio prefiks značajnog umjetničkog festivala za populaciju od 5 do 15 godina.

Kompanija Messer je od prvog festivala podrška mladim kreativcima i svim stvaraocima koji stavljaju djecu i mlade na prvo mjesto u svome umjetničkom opusu.

Direktor Festivala gđin. Kučuk se zahvalio gđinu. Ilievskom na tome što je prepoznao vrijednost, kvalitetu i značaj jednog ovakvog umjetničkog festivala u budućnosti, u razvoju naše djece i njihovom umrežavanju sa Regijom i svijetom.

- Hvala Vam što doprinosite podizanju kvalitete ovog festivala i tako jačate i motivirate kako nas organizatore tako i sve učesnike koji dolaze na ovaj takmičarski festival da pokažu šta umiju i samjere se s drugim. Nadasve, hvala Vam zbog naše djece koja dolaze da gledaju najbolja ostvarenja iz pozorišta, muzike, literature, slikarstva, vajarstva i drugih znanja i umijeća, istakao je direktor Festivala koji je ovom prilikom uz zahvalnicu i knjigu «Bajkodrom», u kojoj su sažete najbolje priče pristigle na prošlogodišnji Festival, poklonio kompaniji Messer i originalni rad polaznika slikarske radionice uzrasta do 7 godina.

Gđin. Valentin Ilievski je ne krijući oduševljenje postignutim rekao: - Messer je kompanija koja zna da našu buduću snagu predstavljaju naraštaji koji dolaze. Želimo im omogućiti da stasaju u kulturne i obrazovane ljude koji će pomoći u razvoju ovog društva. Vaš Festival osim radosti i kreativnoga rada

otvara djeci i mladima prozor u jedan ljepši svijet», te je zaključio da će Messer nastaviti podržavati kreativni dio ove manifestacije.



**Sarajevo, 02.01.2018**

### **Ilievski postavljen za direktora Messer Slovenija**

Generalni direktor Messer BH Gas/Messer Tehnoplina, gđin. Valentin Ilievski, koji je na čelu ovih bosanskohercegovačkih društava već devet godina, postavljen je i za voditelja Messerovog tima u Sloveniji.

Zbog njegovih izuzetnih rezultata u kreiranju novih vrijednosti u Bosni i Hercegovini Uprava Messer Group je donijela odluku da gđin. Ilievski uporedo vodi i Messer Slovenija d.o.o.

Na ovaj način se ujednačavaju i stabiliziraju proizvodni kapaciteti na oba tržišta i standardizira visok nivo kvalitete u upravljanju resursima koje naša kompanija ima u ovom dijelu Evrope.



NOVOSTI.IZ SVIJETA PLINOVA.

Part of the Messer World 

**Sarajevo, 28.12.2017**

**Sretna Nova godina**

Sretnu i uspješnu novu 2018. godinu želimo svim zaposlenicima i njihovim porodicama, klijentima, poslovnim partnerima i prijateljima diljem svijeta.

Sreća, zdravlje i blagostanje neka nas prate i u godini koja je pred nama.

Vaš Messer



NOVOSTI.IZ SVIJETA PLINOVA.  
Sarajevo, 27.12.2017

### **Sportska podrška za posebne fudbalere**

Messer je kompanija čija je misija da djeluje pozitivno na svoje okruženje i da afirmira one vrijednosti koje mogu popraviti društvo u cjelosti.

Sa potpunim osjećajem za one pripadnike zajednice koje krasi posebnost i različitost uvijek se rado i otvorena srca odazivamo da proaktivno učestvujemo u realizaciji njihovih želja, ambicija, projekata.

Škola fudbala "RESPEKT" iz Sarajeva je specifična organizacija koja djeci sa poteškoćama u razvoju, djeci iz romske populacije, djeci bez roditeljskog staranja kao i ostaloj djeci jednako otvara vrata i pruža besplatne treninge fudbala. Škola fudbala "RESPEKT" je u trenažni proces uključila i djecu sa poteškoćama u razvoju. Podrška procesima integracije i inkluzije kroz ovaj vid aktivnosti je jedinstvena u svijetu. Škola trenutno ima 134 polaznika (dječaka i djevojčica), starosne dobi od 4 do 15 godina. Svima njima sport pruža društvo, podršku, osjećaj pripadnosti i povezanosti.

Za dosadašnji rad nagrađeni su specijalnim priznanjem za popularizaciju i razvoj bosanskohercegovačkog sporta, koje im je za 2015. godinu dodijelio Sportski savez Bosne i Hercegovine, kao i sa certifikatom "Certificate of Excellence" za 2016. godinu, koje su dobili od Ambasade Sjedinjenih Američkih Država u Bosni i Hercegovini.

U želji da još bolje treniraju i pronađu svoje mjesto u društvu, Messer je svim polaznicima poklonio kačket u bijeloj boji sa logom obje organizacije kako bi kompletirali opremu u kojoj treniraju.

Prvi put su ih koristili na jednom od treninga za turnir u povodu Međunarodnog dana tolerancije koji je škola "RESPEKT" organizirala u saradnji sa koalicijom za borbu protiv mržnje "Zanemari razlike", na kojem su učešće osim ove ekipe uzeli i sjajni dječaci iz FK SARAJEVO, FK ŽELJEZNIČAR I FK OLIMPIK.

- Mi dajemo jednakost svoj djeci i zajednički u sportskom duhu „brišemo“ razlike među njima – slogan je ove Škole fudbala.

"Zahvaljujemo se Messeru jer je prepoznao naše iskrene namjere u realizaciji ostvarenja dječijih snova, te je pružio podršku našoj Školi i tako pomogao jedinstveni poduhvat u implementaciji procesa inkluzije i integracije djece kroz sportske tj. fudbalske aktivnosti", istakao je u pismu zahvale direktor škole Emir Hujdur.

Sretni smo da je naša kompanija učestvovala u promociji različitosti i otklanjanju predrasuda jer nas razlike čine bogatijima.





NOVOSTI.IZ SVIJETA PLINOVA.

Part of the Messer World 

**Sarajevo, 21.11.2017**

#### **Messer - jedini ovlaštteni dobavljač CO<sub>2</sub> za Coca-Colu**

Sa zadovoljstvom obavještavamo javnost da je Messer BH Gas d.o.o od 15.11.2017. autorizirani dobavljač CO<sub>2</sub> za The Coca Cola Company (u daljem tekstu TCCC).

U periodu od 07.-09.11.2017. TCCC je izvršila audit i donesen je zaključak da postojeća proizvodnja ugljikovog dioksida u Messerovom postrojenju Sočkovac iz prirodnog izvora obezbjeđuje dobijanje ugljikovog dioksida koji odgovara standardima za isporuku ove prestižne svjetske kompanije za proizvodnju pića.

Za dobijanje CO<sub>2</sub> koji odgovara zahtjevima TCCC obezbijedili smo adekvatan dizajn baziran na kvaliteti i varijabilnosti u dolaznom sirovom gasu, specificirali detaljne operativne postupke i dokazali kontrolu nad procesom tako da je finalni proizvod CO<sub>2</sub> konzistentno po svim parametrima u skladu sa specifikacijom TCCC.

Sistem proizvodnje, skladištenja i otpreme proizvoda odgovara najvišim standardima prehrambene industrije.

Jedan od zahtjeva audita je i godišnja analiza parametara sirovog i finalnog gasa u ovlaštenoj vanjskoj laboratoriji TCCC, kojih ima samo nekoliko u svijetu. Rezultati analiza su pokazali da su parametri našeg finalnog proizvoda u potpunosti u skladu sa zahtjevima standarda Coca Cole, a to je samo potvrdilo naše višegodišnje praćenje parametara navedenih od Međunarodnog udruženja tehnologa za piće (ISBT).

Vrijednost nove Messerove fabrike u Sočkovcu prelazi investiciju od 2,5 mil. EUR, a u adekvatnu laboratorijsku opremu uloženo je preko 250 hiljada EUR.

U cilju kontinuiranog nadzora ispravnosti proizvoda od samog izvorišta CO<sub>2</sub> plina do pretakanja plina kod kupaca, definirani su osnovni principi HACCP kodeksa i implementiran je standard za upravljanje sigurnošću hrane ISO/FSSC 22000.

Također, standard ISO 14001:2015 potvrđuje da je naše poslovanje u skladu sa zahtjevima o okolinskom upravljanju, a kroz niz implementiranih akcija u proteklom periodu Messer BH Gas pokazuje da je društveno odgovorna kompanija.

Treba naglasiti da je postrojenje u Sočkovcu jedini ovlaštteni dobavljač CO<sub>2</sub> od strane Coca-Cole u Bosni i Hercegovini.

NOVOSTI.IZ SVIJETA PLINOVA.

**Sarajevo, 01.11.2017**

## Reklamna kampanja za 20 godina Messera u BiH

Dvadeset godina uspješnog poslovanja u Bosni i Hercegovini obilježavamo tokom cijele 2017. godine kroz razne interne i eksterne modele komuniciranja.

Kompanija Messer u svim svojim društvima u Bosni i Hercegovini podržava invenciju kod svojih uposlenika koji svojim idejama i zalaganjem daju specifičan doprinos slavljeničkoj atmosferi.

Razvijajući zajedništvo kao komponentu koja nas približava i van posla jedne drugima, kompanija Messer je za ovu priliku razvila i nova idejno-grafička rješenja u povodu ovoga jubileja. Tako je veliko slavlje koje je održano 05. oktobra u krugu upravne zgrade u Rajlovcu bilo popraćeno i reklamnom kampanjom u medijima, poslovnoj štampi i u sferi vanjskog oglašavanja.

Na ulazu i izlazu iz Sarajevskog aerodroma Messerov koloritni dizajn dočekuje svakog putnika s porukom da se i u BiH može poslovati i privređivati uspješno, a da se pri tome čuva okolina, radi po najsvremenijim svjetskim sigurnosnim parametrima i da se cijeni ljudski potencijal.



NOVOSTI.IZ SVIJETA PLINOVA.

Part of the Messer World ■■■

## Sarajevo, 19.10.2017

### Oktoberfest i u Sarajevu

Na veliko zadovoljstvo Sarajlija i glavni grad BiH dobio je svoj Oktoberfest. Već nekoliko godina ova se tradicionalna pivarska manifestacija održava u prekrasnom ambijentu Pivnice HS na Bistriku.

Naša kompanija se pridružila svima koji su željeli prenijeti bavarsku atmosferu na sarajevsko tlo. Uz glavni produkt Pivnice, njihovo brend sarajevsko pivo, mnogobrojne nagrade, igru i zabavu, svi gosti su uživali, a atmosfera je bila odlična.

Da bi ugođaj bio potpun, pobrinuo se Messer sa svojim balonima napunjenim helijem kojim smo ukrasili impozantni prostor Pivnice.

Oktoberfest se uz dobru organizaciju domaćina i izvanrednu podršku njemačkih kompanija u BiH, te sjajnu energiju gostiju pretvara u slavlje na kojem žele biti svi.



NOVOSTI.IZ SVIJETA PLINOVA.

Part of the Messer World 🇧🇦

**Sarajevo, 06.10.2017**

**Proslavljen jubilej u Rajlovcu**

Naša kompanija je u četvrtak, 05. oktobra u sjedištu kompanije u Rajlovcu proslavila uz sjajan program dvadeset godina svoga uspješnoga poslovanja u Bosni i Hercegovini.

Messer je 1997. godine osnovao svoje prvo preduzeće u Mostaru pod nazivom Messer Mostar Plin i od tada do danas razvio je svoje djelovanje na prostoru cijele Bosne i Hercegovine.

To znači da osim mostarskog društva u BiH egzistiraju i Messer BH Gas i Messer Tehnoplina koji se bave proizvodnjom, plasmanom i distribucijom plinova. Glavna postrojenja nalaze se u Zenici (kisikana) i u Sočkovcu (CO<sub>2</sub>).

U ovih dvadeset godina Messer je uposlio više od 100 radnika, uložio u gradnju, infrastrukturu i logistiku preko 100 miliona KM, izgradio nekoliko distributivnih centara i punionica, čime je pozitivizirao poslovni ambijent u BiH i ostao dosljedan svojoj strategiji investiranja danas u bolje sutra.

To je potvrdio u svojoj izjavi i vlasnik kompanije g. Stefan Messer, koji je prisustvovao svečanom obilježavanju ovog jubileja.

„Ovdje u Bosni i Hercegovini sigurno smo među prvim stranim preduzećima koja su odlučila ujediniti svoju modernu tehnologiju i infrastrukturu sa domaćom pameti i ljudskim resursima. Takva politika pokazala se ispravnom i zato smo danas ovdje gdje jesmo – u Sarajevu, glavnom gradu BiH, našoj centrali u kojoj se razvija strategija uspješnoga poslovanja. I planiramo ostati još dugo” – rekao je g. Messer.

Naša kompanija u BiH je među prvim stranim investitorima koji su došli u poslijeratnu Bosnu i Hercegovinu i razvijali svoj posao, ali ujedno i razvijali ekonomiju ove zemlje. Messer je proglašen i najvećim stranim investitorom od strane FIPA-e, a nekoliko puta je generalni direktor Ilievski dobio priznanje za najmenadžera, a kompanija uvrštena među najpoželjnije poslodavce.

«Dvadeset godina je najbolji dio u aktivnome radnom vijeku jednog čovjeka. Taj najplodniji dio naših života Messer je ugradio u privredu Bosne i Hercegovine i u njen industrijski razvoj. Smatrali smo, i dan danas smatramo, da to ima smisla. Da se ovdje mogu napraviti rezultati vrijedni spomena. I uspjeli smo da pokažemo da ništa nije nemoguće uz želju, rad, istrajnost, dobre namjere i viziju.

Širili smo se od Mostara na jugu do Bihaca na sjeveru, za nas nikakve, pa ni entitetske granice nisu predstavljale problem nego motiv» - istakao je g. Valentin Ilievski, generalni direktor Messera u BiH.

Pošto Messer smatra da mladim ljudima treba dati šansu na početku njihovog radnog vijeka i stoji na stanovištu da je svaka investicija u mlade investicija u budućnost, i kulturno-umjetnički program bio je sastavljen od mladih muzičkih, glumačkih i baletnih snaga Bosne i Hercegovine. Proslavu je vodio izvrsni bh. glumac Armin Omerović, za klavirom je muzicirao Nenad Tešić, pjevali su Negra Čičić, Alma Subašić i vokalni ansambl NO LIMIT, dok su balerine Brižite Karabašić oduzele dah svojim plesnim tačkama na temu «Vjetar» i «Vatra». Imali smo priliku uživati i u suvremenom plesu Lane Marković pod mentorstvom Samre Mlinar-Mandić, orkestru harmonika pod vodstvom profesorice Melite Čičić, električnoj violinskoj numeri Lejle Piljević, dok je sva sala proplesala kad je bend NOBS krenuo svirati.

Nakon svečane proslave Messer je otvorio još jedno postrojenje CO<sub>2</sub> u Sočkovcu, a uskoro počinje s radom i nova punionica i distributivni centar u okviru Tehnološkog parka u Banjoj Luci.

Nove investicije dovode do širenja, a širenje podrazumijeva i izvoz van granica naše zemlje. Naredna godina bit će orijentirana na eksportiranje. Kao i narednih sto, koliko se najmanje mislimo zadržati ovdje.





NOVOSTI.IZ SVIJETA PLINOVA.

Part of the Messer World 